

T 3274/5022.63

6

6

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1968

藝文編卷之十

兩義君傳

俞益謨

余生平樂善而愧自無一善不恐沒人之善此兩義君傳
所由作也或有請得兩君姓字義於何指者余應之曰
則吾鄉贈君弘猷張公急友之難忘其身危一則明季
宗室雲章朱先生啣友之恩畢生圖報者是也當明之末
流賊充斥偽總兵牛成虎負隅寧夏爪牙橫噬雲章履尾
被擒虎不自啞解獻闖賊為功雲章在途竊計萬無生理
一日有男子馳駿擊孤冥然而要之隨從從驚潰急脫乘

堅備大學堂
圖書印

藝文編卷之十

哈佛大學漢和
圖書館珍藏印

兩義君傳

俞益謨

余生平樂善而愧自無一善，不忍沒人之善。此兩義君傳之所由作也。或有請得兩君姓字義於何指者，余應之曰：一則吾鄉贈君弘猷張公，急友之難，忘其身危；一則明季宗室雲章朱先生，啣友之恩，畢生圖報者是也。當明之末，流賊充斥，偽總兵牛成虎，負隅寧夏，爪牙橫噬，雲章履尾被擒，虎不自啞，解獻闖賊為功。雲章在途，竊計萬無生理，一日有男子馳駿彎弧，爰然而要之，隘役從驚潰，急脫雲

章於繫而挈之歸者則友人弘猷也家人莫測從來禁不敢聲鄉閭間僉謂雲章死長安矣久之

大清定鼎宗室無所置問雲章出人競訝之既而知爲張君所脫莫不奇其事而高其義自此共處偕行契若同胞張君勇幹善射嫻武畧尋聞郎漢間黠賊李來亨等盤踞山谷乃仗策從征以軍功授守備不數年卒於官雲章聞凶奔赴痛絕而甦者數數收其錙重扶柩歸營葬無闕禮人曰是足以報活命之恩矣惟時張君二子大用大受悉在冲幼無識雲章爲之經紀資財督其家務克勤克儉不使

缺乏訓育二子不使廢棄初以己女妻大用又以兒女妻大受大用庚戌成進士大受壬子領鄉魁於是破壁出弘猷公衣物宦囊以授大用昆仲曰汝二人咸能自立吾可免毀匱之憂矣二人拜受始知尚有遺物焉是時也雲章可謂無忝大義有始有卒者矣雲章之心若猶未盡必欲鞠躬盡瘁死而後已者時有勸雲章納妾生子者先生然之既而張族竊議先生此後不能無私先生聞而遽出其妾又勸先生撫姪爲嗣者先生復然之乃所撫不率教復去之於是有以無後規先生者先生曰吾罹牛賊之變已

中韓果志 卷十
是既死人。今之餘年。張君甦我也。烏有已死人而復有後之理。不可陷我不義。由是誓以鯁獨終其身。既卒。張子持服營葬。如父禮。嗚乎。若二君者。所稱兩義。是耶否耶。其後大用官湖廣。闡司大受官辰沅總兵。弘猷公以子貴。贈榮祿大夫。而雲章無聞焉。余以鄉人後進。不為畧志梗概。以俟操觚諸君子。採入鎮乘。將數十年後。不特雲章啣恩報友。泯泯勿彰。即弘猷之急難忘身。並歸淹沒。讀是傳者。其諒余不忍沒人之善云。

賦

黃河賦

晉成公綏

覽百川之弘壯兮。莫尚美於黃河。潛崑崙之峻極兮。出積石之嵯峨。登龍門而南遊兮。拂華陰於曲阿。凌砥柱而激湍兮。踰洛汭而揚波。體委蛇於后土兮。配靈漢於穹蒼。貫中夏之畿甸兮。經朔北之遐荒。歷二周之北境兮。流三晉之南鄉。秦自西而啟壤兮。齊據東而畫疆。殷徙涉而永固。衛遷濟而遂強。趙決流而却魏。嬴引溝而滅梁。思先哲之攸歎。何水德之難量。

黃河賦

明薛瑄

吾觀黃河之渾渾兮。乃元氣之萃蒸。濬洪源於西極兮。注
 天派於滄瀛。貫后土之龐博兮。沓元溝之晶明。過積石而
 左轉兮。龍門呀而峻傾。薄太華而東驚兮。撼砥柱之崢嶸。
 入大陸而北徙兮。迷不辨夫九河之故。形經西海而紀衆
 流兮。擅浮沉之濯靈。覽頽波而懷明德兮。又何莫非奴氏
 所經營。登崑崙而俯視兮。固彷彿其初迹。馭高風而騁望
 兮。遂周遊其曲直。何末流之混濁兮。始清激而湜湜。差澹
 灑而徐趨兮。勢沄沄而自得。觸險石以鬪暴兮。訇雷轟而
 轂擊。天宇擴其沈澹兮。渺上下之蒼黃。霧雨霏霏而滂集

兮。混邃古之洪荒。微風蕩拂而渙散兮。天機組織其文章。
 頽森浩而洶湧兮。百怪垂涎而簸揚。腥雲濁浪以盪汨兮。
 恍惚顛倒夫舟航。靈曜升而赫照兮。乘正色於中央。望舒
 在御而下臨兮。列宿涵泳其光芒。若乃震秉符以行令兮。
 百谷滔滔其凍釋。山澤沮洳以上氣兮。增混濘之洋溢。魚
 龍乘濤以變化兮。杳莫測其所極。祝融載節以南屆兮。雷
 雨奮達以霽霑。潢支流而股合兮。百川奔而來會。木輪困
 而漂拔兮。蔽雲日而淘汰。狂瀾洶而嚙岸兮。塊土焉塞夫
 衝潰。霜戒嚴而木脫兮。少昊執矩以司秋。洲渚緬邈而石

出兮始殺湍而安流。霰雪紛其四集兮。顛頊乘坎以奮神。
 大塊噫氣而摩軋兮。流澌下而龍鱗。層冰橫絕而山委兮。
 河伯驅石以梁津。羗險易而明晦兮。變朝暮與四時。颼風
 起而衝木兮。鱗怪駭其難推。覩圓方之一氣兮。恒來往而
 密移。昔尼父之嘆逝兮。跨百世而罕知。顧川流之有本兮。
 與終古以為期。啟龍圖而翫六一兮。悟主宰之所為。喟余
 心之未純兮。感道妙之如斯。聊誦言以自明兮。庶晝夜之
 靡虧。

銘詩

車右銘

傅毅

擇御卜右。採德用良。詢納耆老。於我是匡。惟賢是師。惟道
 是式。箴闕旅賁。內顧是式。匪望其度。匪愆其則。越戒敦約。
 禮以華國。

宿温城望軍營

李滄溟詩選註温城即
温池城通志今中衛地 駱賓王 唐

虜地寒膠折。邊城夜柝聞。兵符關帝闕。天策動將軍。塞靜
 胡笳徹。沙明楚鍊分。風旗翻翼影。霜劍轉龍文。白羽搖如
 月。青山斷若雲。烟疎疑捲幔。塵滅似銷氛。投筆懷班業。臨
 戎想召勛。還應雪漢耻。持此報明君。

塞外

鄭愔

塞外蕭條望。征人此路賒。邊聲亂朔馬。秋色引胡笳。遙嶂
侵歸日。長城帶晚霞。斷蓬飛古戍。連雁聚寒沙。海暗雲無
葉。山春雪作花。丈夫期報主。萬里獨辭家。

塞垣

崔融

疾風捲溟海。萬里揚沙礫。仰望不見天。昏昏竟朝夕。是時
軍兩進。東拒復西敵。蔽山張旗鼓。間道潛鋒鏑。精騎突曉
圍。奇兵襲暗壁。十月邊塞寒。四山沍陰積。雨雪雁南飛。風
塵景西迫。昔我事討論。未嘗怠經籍。一朝棄筆硯。十年操

矛戟。豈要黃河誓。須勒燕山石。可嗟牧羊臣。海外久為客。

送陳七赴西軍

孟浩然

吾觀非常者。碌碌在目前。君負鴻鵠志。蹉跎書劍年。一聞
邊烽動。萬里忽爭先。余亦赴京國。何當獻凱還。

關山月

儲光羲

一雁過連營。繁霜覆古城。胡笳在何處。半夜起邊聲。

塞上聽吹笛

高適

雲靜胡天牧馬還。月明羌笛戍樓間。借問梅花何處落。風
吹一夜滿關山。

塞下曲

常建

玉帛朝天望帝鄉。烏孫歸去不稱王。天涯靜處無征戰。兵氣銷為日月光。

觀征人回

盧綸

兩河戰罷萬方清。原上軍回識舊營。立馬望雲秋塞靜。射雕流水晚天晴。戍間部伍分岐路。地遠家鄉寄旆旌。聖代止戈資廟畧。諸侯不復更長征。

勸農

宋范仲淹

烹葵剥棗古年豐。莫管時殊俗自同。太守勸農農勉聽。從

今再願頌幽風

峽口山

宋張舜民

青銅峽裏韋州路。十去從軍九不回。白骨似沙沙似雪。憑君莫上望鄉臺。

庚辰西域清明

元耶律楚材

清明時節過邊城。遠客臨風幾許情。野鳥間關難解語。山花爛熳不知名。蒲萄酒熟愁腸亂。瑪瑙杯寒醉眼明。遙想故園今好在。梨花深院鷓鴣聲。

黃河行

元貢師泰

黃河水水濶無邊深無底其來不知幾千里或云崑崙之
 山出西紀元氣融結自茲始地維崩兮天柱折於是橫奔
 逆激日夜流不已九功歌成四載止黃熊化作蒼龍尾雙
 缸鑿斷海門開兩鄂嶄嶄尚中峙盤渦蕩激回湍衝射懸
 崖飛沙斷岸決石瞬息而爭靡洪濤巨浪相逐怒聲不住
 從天來初如兩軍戰方合飛礮忽下堅壁摧又如豐隆起
 行兩鞭笞鐵騎驅奔雷半空澎湃落銀屋勢連渤海吞淮
 瀆天吳九首兮魑魅獨足潛潭雨過老蛟吟明月夜照鮫
 人哭扁舟側挂帆一幅滿耳蕭蕭鳥飛速徐邳千里半日

程轉盼青山小如粟吁嗟雄哉其水一石其泥數斗滔滔
 汨汨兮同宇宙之悠久汎中流以擊楫兮招羣仙而揮手
 好風兮東來酬河伯兮杯酒

登廣武遠眺

明總制 王瓊

鳴沙古渡急鉦笳鐵騎雲屯曉濟河廣武人稀非土著棗
 園田少盡徵科赫連故壘遊麋鹿元昊遺宮長薜蘿試問
 守邊誰有策老臣憂國鬢如皤

邊城

漠漠窮邊路迢迢一騎塵四時常見雪五月未知春宵旰

求賢意馳驅報主身。逢時今老大，羞作素餐人。

壬子行邊暖泉暫憇

劉尚樸

驅車歷瀚海。此際水泓然。脉湧崑崙日。温生黍谷泉。蘧蘆清眼界。柳榭媚風烟。爲念荷戈士。投醪惠百川。

塞上三首

旄團赤日驥追風。將士如雲虎豹雄。只有壺中白羽箭。不須重問黑山戎。

金鼓旂門大將營。穹廬早徙北山清。健兒驕馬渾無事。射得黃羊帶血行。

麒麟閣畫將軍像。鴻雁雲排戰陣圖。奮臂林間三力士。過河先擊五單于。

書懷

分巡副使 殷仁

黃河東去三十里。春草西連一片雲。把酒送君無限意。不堪榆雪落紛紛。

入塞曲五首

萬世德

雪嶺黃河不解春。征裘猶帶舊風塵。誰知戈戟年來事。贏得綸竿塞下身。

二月邊頭不見花。匆匆歸騎擁清笳。不知定遠成何事。纔

到秦關即是家

長風吹動大刀頭明月黃雲滿戍樓
試看請纓關塞客太平原不重封侯

醉來馬上看吳鉤曾識光芒射斗牛
兩行青山千樹竹不妨開徑置糟邱

幾人長劍倚崆峒忽漫生涯似轉蓬
莫憶龍城射霜鶻又來馬上聽春鴻

峽口吟

齊之鸞

生犀飲河欲北渡海月忽來首東顧
馮夷舉手揮神鞭鐵

角半摧河山路至今夜行水泣聲
罔象欹歔鬼奸露土人作渠灌稻田
玄靈委順不敢怒

至威武堡三首

物候催屯種肩輿歷塞塵水滌三公曉
渠動七星春花氣酣歌鳥荆叢翳鬪鶉
麥畦青未了路有告饑人

鹵從春畦白陽回臘麥青山形夷夏
界渠利漢唐經燕早花前乳鶯遲
雨後聽客心淹冉冉江樹望冥冥

朔風凝常閉春深始見花山青橫鳥
道月白闌蜂衙土屋耕夫墅雲峯戰
士家塞帷把殘籍不記在天涯

登牛首山

有序

寧夏
總兵 蕭如薰

朔方壬辰之變不佞叨領斯鎮後一載嶺南周國
 雖先生鎮撫焉甲午春由賀蘭偕巡中衛鼓擢廣
 武河望牛首之勝蒼翠嵯峨為真如妙境舊傳釋
 迦佛曾三過說法云因相期登眺風阻弗遂焉嗣
 是兩人相繼去朔回瞻牛首山負此勝遊迨辛丑
 余再承乏羈於戎馬猶然蹉跎逾年癸丑六月以
 閱事舟行廣武乘半日暇始於茲山一陟其巔既
 叅始來領畧諸勝復聽沙彌焚香夜頌清梵泠泠

天風洒襟佛燈遠見時當炎夏爽若新秋頰視紅
 塵紫塞不啻脫火宅而遊清涼國也良與茲山有
 緣哉藉禪榻為一宿厥明乃去漫賦二律以紀之
 理棹還登岸攀蘿入紫烟雲霄千嶂出色界一燈懸石蘚
 碑磨滅金光像儼然不須探絕勝即此是諸天
 聞道經臺古如來說法年樹因藏垢拔水為渡迷穿人我
 終無相空門不二緣豈惟忻此遇投老要歸禪

蘆溝烟雨

舊志載此景今蘆溝
在靖遠境仍存舊詩

胡官升
流寓

曉風晴日草如茵景入蘆溝總是春
 夾谷嬌鶯留醉客隔

山啼鳥喚遊人杏花帶雨胭脂濕揚柳含烟翡翠新願得
琴書身外樂海鷗洲鷺自相親

暖泉春漲

失名

一脉遠通星宿海春回塞上氣初融青青石眼涓涓發流
出桃花洞口東

羚羊夕照

景不可考今有羚羊寺因
更為羚羊松風仍存舊詩

羚羊山勢壯邊州每到斜陽翠欲流偏是遊人頻注目拋
書携酒獨登樓

黃河曉渡

今更為黃
河泛舟

黃河東下自崑崙濁浪排山曉拍津來往行人喧古渡只
因名利少閑身

鳴沙過雁

今更為河
津雁字

秋成河外鎖斜暉風捲晴沙拂地飛過雁數聲清墮玉征
人何處問寒衣

蘆溝烟雨

蘆溝飛雪漲晴漪烟雨溟濛望愈奇點點白鷗深處浴扁
舟遙動五湖思

石空燈火

疊嶂玲瓏竦石空誰開蘭若碧雲中僧閒夜靜燃燈坐遙見青山一滴紅

石渠流水

今更為官橋新水

渴壤常資灌溉功分流原自大河中滔滔不息含生意萬折誰知竟必東

黑山晴雪

翠壁丹崖指顧間隨時風物自瓓珊六花凝素寒侵眼徙倚危樓看玉山

紅崖秋風

今裁仍存舊詩

寥落邊關愴客情空山風撼作秋聲乘時好破單于帳誰擬當年李白平

槽湖春波

即馬槽湖昔以浸潦水積成湖今水涸湖乾居民報墾成田矣

十里平湖一鑑空烟波雪浪渙生風漁舟載酒銷春興應使丹青畫未工

青銅島蹟

國朝翰林院庶吉士

栗爾章 即人

丁酉夏五甲申應理歸舟泛峽口謁島廟訪之父老知為同年大叅俞念茲建因賦近

體一章刊石以紀之

銅峽中間兩壁蹲何年禹祠建山根隨刊八載標新跡疏

鑿千秋有舊痕。憑溯源流推遠德。採風作述識高門。俞提
邑志子大 黃河永著安瀾。頌留取豐功萬古存。軍纂

為提軍俞益謨贈公君輔入祀鄉賢。宗伯 韓 茨

風木傷心已十年。一朝崇賜始安然。捐軀報國先完節。馳
贈榮親表大賢。議出鄉評光俎豆。碑刊野乘廣詩篇。即今
峽口人傳頌。好與貞襄作比肩。

前題

編修 查 昇

關雲隴樹久蒼然。劍已埋豐氣燭天。惠此一方鄉祭酒。名
高列傳野遺賢。口碑月旦存公論。

恩詔褒榮慶兩全。况有旂常光世業。早傳勲位日星懸。
皇清孫烈婦詩

係延安太守孫川之女適正紅旗漢軍武進士教
允文宦石空守備于歸甫一載夫亡越月自盡於
柩旁懷內遺詩三首邑紳士
兵民為刊立碑亭今特錄之

獨羨文丞相。固懷正氣歌。成仁兼取義。萬古不消磨。

萬事傷心可奈何。敢云隨分逐時過。課兒尚有一經在。織
錦全無半字歌。淚洒北堂雲不散。月行東海霧偏多。白頭
未到君先逝。願逐英風話五羅。

免曹勉力習遺經。家世簪纓舊有名。傳汝惟有清白吏。河

東三鳳再齊鳴

前後三詩其序次井然誦法古人取義全貞矢志之堅金石不移訓子之切諄摯如見從容就義得諸巾幗登之

國史洵足風勵千秋堪使懦夫有立正不徒以其詩也黃素菴識

過大清閘

俞益謨

唐漢平分萬里流中添一道入青疇沿堤柳浪村村密刺水秧針處處稠長筧濤翻渠閘外虛亭額映塞垣秋春風策馬頻來往幾度低徊去復留

扈

駕征噶逆班師入獨石口馬上口占

五月披裘進伯顏壯心不問大刀環旌旗靜攝風雷動

鑿輅紆徐草木閑扈

躡豈辭經瀚海酬 恩端欲定天山

聖明威德超千古但看長歌入漢關

登牛首山和壁間韻

俞汝翼

扳巖從緩步野徑鎖寒烟雪霽群峰出空明半月懸僧偈聞般若吾心覺冷然一聲疎磬寂滅莫是西天

書萬佛閣西壁

吳邑莊琪

半生縈世網今始愜遊情澗底尋幽徑峯頭見化城病軀
登亦健老眼望徧明更喜危樓上恍疑近太清

和前題

失名

性癖耽幽興此來慰素情雲隈真佛國翠嶂似蓮城澗底
泉雙出峰頭月半明凭欄一眺望襟袂有餘清

書甲辰科題名錄後

明經

傅龍標

江南流寓

邊城自昔未開科撲滅菁莪近漸多村塾書聲連曉曙宮
墻燈火照吟哦鍾山秀傑因人轉得路青雲拾芥過自此
芹香堪接桂都從桃李沐恩波

贈別碾伯黃大尹調任中衛

丁巳進士前西寧府陞任常道

紀虛中

牧崖文安

三年嘯諾鎮相宜惜別臨風把酒卮只為民貧多惠政不
因吏俗廢新詩巖疆欲試探丸猛樂水猶傳渡虎竒

碾邑時有

虎患親行驅捕
虎潛踪遠遁

少喜星河通九曲雙魚時寄慰離思

至營盤水

翰林改授寧夏理事廳

國棟

春風吹上馬入夏未教閒意與遠雲澹跡隨高鳥翾不知
髀肉盡那惜鬢毛斑跋履皆勝具簡書非所患

微雨山行至長流水

怒飈吼空村密雨洒然至排闥入破窓短檐不能避欲行

稍遲迴我僕亦孔瘁信宿縱非適差勝需泥累夫何歡
頻乃復策疲騎青鬪渾未濕樹間落輕吹馬蹄跣踐沙細
碎雜流利遠岑含濃黛近嶺墮深翠未雨山如愁既雨山
如醉良苗抽嫩青芳卉綻新蕙所惜入土淺露足願未遂
嗟我待澤農茲雨命攸寄忍以行役故覲新造物賜矯首
盼雲龍風迴庶返轡

曉發石空寺過勝金關

沙岡參錯路重重心醉西南只數峯一色紫雲三十里飛
來大地化獰龍

青銅禹蹟

候補知縣 羅元琦 雲南石屏

河流九曲滙青銅峭壁凝暉夕照紅疏鑿傳聞留禹蹟安
瀾千載慶朝宗

星渠柳翠

垂楊垂柳倚平瀦拂水拖烟翠浥裾梅雨乍添新漲滿踏
青人上七星渠

黃河泛舟

洪波艤楫泛中流鳧淑鷗汀攬勝遊數點漁舟歌款乃詩
情恍在白蘋洲

石空燈火

洞壑嵌空最上乘翠微臺殿控金繩半空錯落懸星斗知
是花龕禮佛燈

黃河泛舟

原任安化縣 孫良貴 鄰初善化

載酒浮浮盡日間榜人晚泊就蘆灣秋風古廟青銅峽夜
月慈雲牛首山野店如村都傍水荒岩立峭亦稱閑
清時那自逢漁父便是滄洲任往還

官橋新水

鳴沙啓宇逼西戎浩浩車書萬里同水近銀川堪鼓楫橋

如京洛好乘驄觀瀾頓滌煩囂盡祈穀頻聞八蜡通一自
浩波盈玉塞年年鐘鼓宴新宮

和黃素菴寅兄秋雨書懷韻

原任中衛縣 金兆琦 沃園宛平

水國新涼悵積陰蕭蕭秋雨對愁吟邊關聽雁添鄉夢午
夜鳴鷄愧壯心遠樹迷離 金闕迥踈鐘隱約暮雲深江
湖誰與通舟楫翹首椿庭歲月侵

廣武元昊避暑宮故址

黃恩錫

徒聞驕虜有遺宮避暑何年倚翠從廣武山川侵宋弱朔
方烽火燭天雄圖形久已知邊惠清澗空遺間敵功千古

中律集卷十
河流聲激壯當年應與怨南風

丁丑春日登中衛城

浮沙高擁隱邊牆。渺渺烟雲接大荒。山引賀蘭峰積翠。河通星宿水流黃。羽書絕塞馳飛檄。烽火何時靖虜疆。萬畝即今生計重。省農還與課耕桑。

戊寅秋夜渡河

水色天光一片明。寒空又見月華清。鳧鳥驚人鳴淺渚。庚星耀彩動邊城。玉關消息

天威遠。銀塞風塵驛騎輕。將軍已奏平戎策。

王會行添幾萬程

和張學山廣文聞逆狁授首西師奏捷原韻

露布飛傳星騎還。歡騰到處頌中天。八荒聲教覘雷動。萬里

明威並日懸。兵洗女龍波帶血。狁地有女龍哈什河山通拔達部連千。

拔達山一帶狁部甚多。擒敵逆渠輸誠効順。版圖從此無中外。豈但凌唐跨漢前。

沙坡吟

世路有艱難。曾聞蜀道褊。今我來朔方。馳驅愧駕蹇。大河

中律果志 卷十
水東流。兩岸多平行。方謂得坦途。輕車無滯礙。忽爲閻門
西。積沙竟成巘。輪轅去弗庸。濡足没人跡。登登隨馬跡。盤
盤因峰轉。據鞍心已煩。步遲爲沙輓。忽復暴風至。沙礫向
空捲。仰看天欲昏。河流聲莫辨。俯視下深淵。失足慮不免。
努力奮躋攀。塵消途漸顯。回首烟藹中。陽光映東峴。沙盡
馬蹄輕。鬱懷乃自遣。心嘉汗血功。應重驂騑選。行堪馳大
漠。任將驥足展。

朝發白馬寺

朝來霽色遠。林表出青峰。雨氣浮山翠。風光媚柳濃。河流

遙見水僧院。近聞鐘。初日前村路。登車時正雍。

庚辰仲秋登廣武北城王皇閣

高閣凌虛矗太清。攝衣登眺眼偏明。四圍山似屏相擁。一
葉舟疑畫裏橫。河近水光將泛郭。隄殘柳色自侵城。年來
每抱臨流懼。秋汛於今尚未平。

辛巳季春廣武河隄告成

雲際雪消春水生長隄。彌望大功成。狂瀾萬頃虹爲障。磐
石千家夜不驚。波泛桃花三月盡。漁歌烟雨一舟橫。臨流
始覺神爲壯。水色濤聲已半平。

登牛首山寺

英華文武翠相連

牛首有文華
武英二峰

並峙蘭峰壯九邊法藏經

儲千佛閣禪宗名擅小西天池留幻跡金牛隱地湧靈光
寶塔懸覽勝不辭登絕巘欲憑願力洗塵緣

登石空寺

健足臨高閣披雲上佛臺河流環地曲梵刹倚山開樹隱
烟光合風鳴雨勢來僧閒留客久茶熟勸添杯

炭山夜照

列炬西南燭最張千秋遺照在遐荒因風每似添宵燭經

雨何曾減夜光隔岸分明沙有路臨流炳耀離為方萬家
石火資餘烈霧鎖炊烟十里長

中邑山民多牧羊為生計其報祀則祭蕪典屬國予
過香山寺口山半有蕪武廟俗傳像為肉身泥成
者不知何人假託野老言之津津欲辯其妄口占

一絕

破廟寒山野草風牧羊猶解祀蕪公漢廷自返羈臣節笑
把荒唐問野翁

河南道中

處處園林葉半黃
蕭疎楊柳淡秋光
數聲啼鳥炊烟晚
薄暮輕車過永康

小涼襟袖起微風
楊柳葉疎雁下空
盡掃白雲秋色遠
青山一段畫圖中

永興道中

春水欲平隄隄揚
葉未齊人家烟樹
外流水小橋西

石空道中

策騎日欲斜
巢樹噪雙鵲
前林柳色中
參差見城郭

春行雜咏

沿溪樹樹柳條黃
舞向東風幾許長
又見塲頭紅杏萼

春先到餘丁莊

中邑節令餘丁渠
一帶物候較早

水暖平湖鷗箇箇
鴉巢芳樹柳村村
春行緩轡隨驄馬

路看山到東園

却為防河滯往還
可人猶是暮春間
雪消隄漲三分水
雲歛峰青數點山

垂楊芳樹幾人家
行過村前樹影斜
樓鳥一聲驚犬吠
兒童拍手趕飛鴉

屈指臨風記物華
落紅片片成桃霞
柳絲初媚魚旬雨
春

色還留十日花

三月二十日

渠行雜咏

時已臨初夏千村樹色肥幾家澆近圃新水繞柴扉
獨坐倦披書掀簾風若揭清光動我懷起步中庭月

春來又見送春歸片片梨花作雪飛一樹穠桃含雨醉向
人徒自逞芳菲

十年作吏向天涯五度鳴沙換物華幾點昨朝春盡雨空
山開遍馬蘭花

堡近宣和樹影搖人村巷陌柳風飄一群鴨戲門前水閣

是陸家舊石橋

馬踏碧莎綠野間前林啼鳥倦飛還平灘古寺芳村外烟
雨牛羊滿暮山

應理竹枝詞

予承乏應理忽逾四秋連歲軍需簿書鞅掌心跡
日非情疎筆墨然當歌對酒不無譁浪之辭問俗
驅車偶動風謠之興聊資稗乘漫寫竹枝用以博
高明之一咲云爾

冬春附郭望難穿可怪邊城霧障天曉起沿階飛黑雪家

家炕洞起嵐烟

石炭焰高嵐炭強供炊煨炕用皆良獨嫌氣觸烟薰處汚
遍羔裘色染裳

凍解河開欲暮春船家生理趁茲晨土窰磁器通寧夏石
炭連船販水濱

六月杞園樹樹紅寧安藥果擅寰中千錢一斗矜時價絕
勝腴田歲早豐

親串相遺各用情年年果實喜秋成永康酒棗連瓶送蒸
棗棗園夙擅名

水泮春分解凍初修罾理網下河渠曉來入市珍新味買
得開河大鯉魚

圍爐渣子出靈州烟盡風前火自悠曉起室中殊不冷烘

烘煖氣勝披裘靈州渣與西寧煤相似煨爐火能耐久頗佳必風前吹盡烟氣否則薰觸傷人

山藥初栽歷幾年培成蔬品味清鮮從茲不必矜淮產種
遍宣和百畝田

歲歲清明早濬渠一年生計莫麓疎功成彌月迎新水引
灌田園立夏初

車聲五鼓走麟麟最喜勤農習尚醇衣食家家惟百畝一

年活計始於春

邊地從來愛牧羊自然羨利占豐穰但祈山草連年茂不

羨水田百畝良

山地十年歲幾荒山民望澤倖恩長綿蓬草子難充腹賴
有官倉賑濟糧

丁賦山民能幾何那堪天旱薦時瘥連年賑貸如膏雨千

載難酬

聖澤多

香山戊寅己卯連歲旱荒賑貸實千載不能償云

殊恩計山民所納賦

大槩山民半穴居卜年待雨務耕鋤却聞得歲收成日土

窖盛糧便積儲

參差林外幾人家土屋依山日半斜禾稼滿場秋草足老

牛飽卧嚼殘霞

少小能開馬上弓飛馳三箭躍如風大刀還學翻花舞二

八輕年已自雄

清明士女亂紛紛盡向城西競若雲遊賞逐年誇勝節沿

郊榼酒聚成群

獨酌窓前酒滿樽停杯窓外月黃昏誰家紙火因風起隣

婦聲聲夜叫鬼

中律鼎志 卷十
甄塔寺裡四月春何年浴佛起前因燒香夾道紛男婦
擊肩摩十里塵

一代

天威絕塞塵沿邊草木盡知春
羶羊野馬深秋壯利鏃長鎗逐

獵人

樵雲黃同年惠中銜酒

舉人

李孝洋

香梅
江西

千頃波澄慰渴人
雙樽稠疊拜芳醇
從今識得鳴沙味
吸盡葫蘆滿腹春

和黃素庵明府新秋雨霽集飲魏氏饁耕樓

張若敏
來修

四野晴暉醉遠眸
層巒疊嶂翠同流
誰家綠樹飛元鳥
幾處青波泛白鷗
角射鏑鳴芳草路
聽歌人在夕陽樓
騁懷
不是偷閒日
爲愛花封稷黍秋

中銜十二景

左琳

桐城

我家龍眠松竹裡
百疊烟嵐漾溪水
驅車忽越古長城
斷草荒岡安徙倚
春風二月不吹花
但攬沙塵漬巾履
滇南黃公宰中銜
耽勝探幽眼獨慧
採風問俗體民情
如求逸書類催稅
內迫胸中詩思橫
外恢邑志文章麗
可憐車馬

帶烟霞馬前考景剛十二羚羊牛首並黑山勢與香巖高
下班收拾諸峯羅簡策無使雄名專賀蘭竦身既謁西州
勝側耳尤來景山韻雪煥晴天翠碧竒雲排幻影仙樓近
俗若人呼火焰山猶能夜竊陽烏柄山靈太息感無遺河
伯孫支欲見知青銅磷磷明德遠暖泉脉脉春風戾立馬
河津秋水寒沙踐不鳴雁無字何如一葦泛洪流夾岸紛
來光景異就中星渠與官橋田功都乞黃河濤翠柳紅欄
不可食長官對此詩更豪詩流更愛古佛舍燈光不令石
空夜水火雲山駿有聲一假人工十造化賢尹考之政治

餘顛末疎為小序書我雖末遍涉其地捫鬚默念神與俱
乃知名勝多潛伏匹若皎皎伊人在空谷松窓撫弄白雲
篇惜無揚意吹噓送上天我今請為應理十二之景歌磊
磊明明森如佳士出岩阿吁嗟兮奈何豈無佳士老岩阿
應理道中喜雨

應理道中喜雨

范鑑

雪槎
仁和

豆麥計未熟四畦土風香豆花開疊疊麥惟畧早黃婦子
珍粒食日日雲霓望一宵時雨作簷溜聲浪浪但期田父
喜莫管行路長鬱蔥相映道我亦歸茫茫

河津雁字

張

淦

雪濤
仁和

中律集志 卷十
橫斜飛度塞天秋影入冰紋細細鉤會得凌空三折意鵝
經底向世間求

暖泉春漲

二月東風入塞城凍漸解處漲初生融融一脉桃花水點
點棠陰化雨成

香巖登覽

宋 楫 天津

邊城古剎勢崔嵬竟日登臨未擬回俯視河山收眼界恍
疑身在雨花臺

官橋新水

宋 枚 天津

來去年年柳浪青一簾活水傍窓櫺千家鼓舞趨農事想
見扶風喜雨亭

應理署中和樵雲居停聞雁元韻

范 顥 書田
仁和

一片排空萬里秋塞垣驚我十年留扶搖帶露砧先急次
第看花菊已稠聽去浮沉書未斷催來刀尺影含愁差知
故國身強健又動相思在永州 謂永州太
守何西嵐

頭髮菜

千莖未白已蕭疎羞把青絲當野蔬多少愁腸消未得雲
鬟縷縷那堪妬

牛首慈雲

金蔚堂 北平

觸石凌空布錦雯側峰橫嶺共氤氳欲知法雨頻敷處試看蒼巖一段雲

石空燈火

鄭秉鎮 靈州

朗列星辰接大雄行人遥指半山紅分來夜色排仙掌燦出離光燭梵宮好借慧燈開覺路還疑劍氣倚崆峒欲從實地尋三昧盡在慈光普照中

朝陽百咏

錄四首

朝邑教諭 劉得炯 煥章舉人

力學無窮期心虛道所居髦年猶切琢蒞仕尚晤伊韻透

窗風渺香飄草色怡搜羅我輩事百歲勉東曦

精氣輸年少韶光惜老成几筵與日永携社逐時縈惟有

文章事恒親髦士情相知應愛我端不負嚶鳴

鳥宿投巢穩神清入夢遲絳河明亘極元圃發瑤芝世俗

誰云薄英才幸有資瓜挑情欲報謾道遽無私

五緯簇分野九天高碧霄文章開化育象數妙鈞陶斯理

無虧缺此心自長消老來志未足猶似幼垂髫

紀黃邑侯詳除河崩賠賦

舉人 揚士美 蓮塘永康

省耕觸目有餘荒端賴賢侯溥惠長壤地縱稱歸水府田

租無復入官倉一封書繪神君淚萬畝瘡醫赤子傷清察沿河
兩岸賠賦撥補停徵開報最有方惟教養學能不負穎川
除八千餘畝民困以甦

黃

紀黃邑侯施粥饑民

寒雲釀雪烈風催無告人爭就食來淮上有吹轉使德青
州無旱相公才百間屋覆鳩形老千襲衣溫鵠面孩按策
救荒心力到六經治術信栽培公置養濟院十間并酌捐
氈衣布褲一千五百餘件

紀黃邑侯增建城堡社學

到處絃歌識講堂生徒濟濟樂冠裳鵝湖宗派連滇海鹿

洞薪傳動朔方村學漸知唐制律童儒解讀漢文章金針
度出鴛鴦譜花縣風生翰墨香

紀黃邑侯興修水利捐建馮城環洞

浩蕩安瀾河潤宏如公利濟德誰同春秋不懈巡省力南
北羣蒙指授功捐俸續流環洞啓買田導水廢渠通春生
綠野千家雨到處村烟樂歲豐

羚羊松風

羚羊舊映夕陽時此日龍鱗別有姿虎嘯山門嘖送客西
來意在最高枝

暖泉春漲

明經 楊廷桂 永康人

寒沸冰漸結 玉湖桃花春漲滿 平蕪耕犁幾處農 歌起洒作良田萬斛珠

香山牧馬碑

黃 鈞 孟和 永北

香巖山勢舊崢嶸 牧馬遺蹤野草平 一代宗藩分帶礪 八旗土壤布連營 雲收選駿銷殘骨 塵掩荒碑倚破城 碑在鳴沙

城南安慶寺 慨古今惟存片石 肯將文字委榛荆

綿蓬酒 綿蓬草屬荒旱山地多產人採食濟饑至有收之年則取以釀酒

山村酬酢饒風味 酒釀綿蓬滿甕春 已過阻饑今樂歲 開

樽同醉太平人

登古佛泉閣 即萬佛閣 明經 魏殿元 縣治人

雄閣飛來峭壁留 層巒高處最清幽 山橫石筍雲生袖 水瀉銀河雨洗秋 綠樹啼鶯和梵唱 寒泉引客看花遊 疎鐘只為清音遠 消遣英雄已白頭

和中邑黃大尹月夜渡河原韻 江大錫 賜公 如皋

碧波漾月夜光明 露冷蒼葭一派清 慣聽濤聲臨野渡 突經雁字過邊城 亂峰隔岸迎驂入 駿馬馳雲按轡輕 不惜勤勞驅策久 水程剛涉又山程

老君臺

明經 李若樾 蔭堂 邑人

參差觀宇白雲隈翠遠千巖抱野臺柱下玄言何處貯洞
中丹竈幾時開古碑字斷沉蒼蘚野鶴情閒倚碧苔欲向
函關瞻紫氣先從此地問蓬萊

黃河泛舟

明經 魏修德 有隣 邑人

源發崑崙日夜東扁舟一葉蕩清風河邊柳色依人綠岸
上桃花照水紅帆影浮空搖浪底櫓聲驚雁起洲中前村
隱約皆如畫緩棹回舟興未窮

炭山夜照

陸 嵩 豫峯 棗園

入夜誰為賞通宵勢燭天灼山驚豹隱照水醒蛟眠月下
光尤燦空中象自然何年遺煉石百世起蒼烟

羚羊松風

任鈞鰲 瑤仙 邑人

古剎松成蓋披風徐入襟影搖雲亂覆聲撼雨斜侵每引
凌空鶴時鳴無調琴聽來忘坐久不覺滌塵心

南園春晚

魏繼相 武生 邑人

香生南圃百花茵曉色輕烟淡入春漸露墻頭紅杏蕊又
開青眼柳初新

暖泉春漲

任景昉 生員 邑人

一鑑方塘迥絕塵溶溶波暖最怡人
溫蒸豈是因人熱活水源頭自有春

牛首慈雲

魏諫唐上箴邑人

重巒叠嶽勢攢雲。崖閣參差映夕曛。
選佛場開塔影現。萬人摩頂玉旌焚。

羚羊松風

尹光宗邑人

春郊選勝過羚羊。謾謾松濤叠韻長。
滿目園林皆畫景。綠陰閒憇傲羲皇。

卷之十終

跋

中衛隸古朔方郡河山修

阻為邊塞衝煩要區

國家聲教覃敷無遠弗屆

舉宵渺荒忽之域而章明

和會之猗與盛矣第文明

日啟而志乘闕如覽古者

不無文獻無徵之憲焉匪

人弗任匪時弗成而今

素菴黃公以邑志告竣聞夫志史之流也自班扶風作郡國地理志厥後皆因之江淹言史之難無逾於志而李吉甫輯元和郡國志及國計簿謂為政初不外是願創始較纂述為難而創修於新設之疆圉則尤難援据無資則操觚罕

藉也公於人所難者勦之裕如不冗不略無築室之譏而握臨民之要舉凡山川疆域之形勝風俗政教之遷流瞭然如指諸掌使後起者覽幅員扼塞則周知險阻控御之宜攷戶口賦役則備志安輯拊循之要稽學校選舉則深思培

養作育之源可以鏡曩昔
即以詔來茲洵有合於史
氏之遺意而足以導揚美
盛昭一統無外之鴻模矣
公荏鳴沙五載民懷吏畏
百度振興與古循吏相頡
頽公餘復捃撫遺佚手創
是書恭值
聖朝久道涵濡觀人文以化

成天下
憲檄下所司徵四方文獻
而公志適成聞之政澤一
世教澤百年公之斯舉殆
合政典教典勒為一書者
乎余與公同為滇人又共
事一方媿案牘形勞未獲
効筆墨之役得樂觀厥成
以挂名簡末可不謂厚幸

與古君子居有所樹行有所遺公實兼之斯編也知與牛首羚羊之勝競秀標奇以互相輝映也已

者

乾隆辛巳季夏月上浣署寧朔縣事年家鄉眷寅弟羅元琦謹跋



庚辰之秋

邑

侯滇南黃公創修應理志草成士

羨受而讀之曰是固吾邑所宜修

亦人人所欲修而未克修者願乃

成於今日乎夫國有史郡邑有志

所以紀風物開教化察治理甚鉅

典也吾中踞銀川上游大河環繞

香巖雄峙牛首聳翠於其東黑山
蜿蜒於其北實邊域巖疆焉其自
元宋以前戎馬紛馳人物寥落山
川蕭瑟闇而不光固不足惜迨有
明以迄我

朝德威廣被極海隅沙漠咸涵濡於
深仁厚澤之中至今日固已烟村

繡錯穰穰熙熙不復有邊城荒僻
之慨矣所患治是邑者猶以邊隅
視之聽其安陋就簡竟不克與中
土爭山川人物之盛此邑志久缺
人固已習而忘之矣然志之為書
事必詳搜核實乃可以信今傳後
苟庶務紛雜不能優游從事則時

有待也。郎有其時矣。而學識迂踈。則考核不精。經術不裕。則裁決失體。又烏足以煥山川之色。而發天地之閔。此志之不克修。竟聽吾邑之日新月異者。徒浮沉於荒沙朔漠間。良無可怪也。惟

公以名進士應入職史館

聖天子以西域邊陲牧民為要

特簡

公以衣食我民。自丙子夏由碾邑調任慈惠。輔以幹濟。公勤兼乎廉明。軍需旁午。肆應有餘。筆歌墨舞。不輟於退食。從容通邑。翕然有真父母之頌。今軍事告竣。年登歲稔。民

中書縣志
恬物熙不數月而志草以成其間
無關於教化者不錄弗繫於民生
者勿採風晨兩夕以及馬轍車塵
皆載筆以從遂獨出心裁撥冗殫
力以成之此不獨邊邑之間閭人
物咸被休光而山川草木亦復別
開生面且於農桑則不厭其詳於

祀典則必衷諸古於藝文亦必搜
其備公真以學者之識兼才人
之業而擅循良之勝者矣聞

公為諸生時授徒講學以名世相期
許志不苟同流俗今能不負所學
而見之施行者皆根抵於經史則
第謂文人嫻吏事固不足以盡

公也

美

竊幸吾邑之山川風土一旦
吐露其菁華將與中土之名山大
川從此並傳宇內而衣冠文物之
休愈有以振興於未艾是足以光
朝廷文治之化矣遂忘其不文而謹
識於末簡

邑人楊士美敬跋



公也美竊幸吾邑之山川風土一旦

吐露其菁華將與中土之名山大
川從此並傳宇內而衣冠文物之
休愈有以振興於未艾是足以光
朝廷文治之化矣遂忘其不文而謹
識於末簡

邑人楊士美敬跋





